

## Paerewa Paetae

<b>Aronga</b>	Toi Ataata 2.5		
<b>Ingoa</b>	Te whakamātau hangarau matihiko hei whakaniko i tētahi mahi toi i roto i ngā toi ataata		
<b>Kaupae</b>	2	<b>Whiwhinga</b>	4
<b>Marau akoranga</b>	Te Marautanga o Aotearoa		
<b>Kokonga akoranga</b>	Ngā Toi		
<b>Mana rēhita</b>	Kua rēhitatia	<b>Te rā i mana ai</b>	8 Hakihea 2015
<b>Te rā e arotakengia ai</b>	31 Hakihea 2019	<b>Te rā i puta ai</b>	19 Whiringa-ā-rangi 2015

---

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### *Toi Ataata*

*Ka whakawhanake ariā, ka whakamahi, ka whai māramatanga, ka whakawhitiwhiti whakaaro hōhonu:*

- *[tūhura] e whakaata mai ana i tōna ūnga ki te whakaputa whakaaro;*
- *[mahī] i ōna pūkenga hei hanga, hei whakawhanake, hei whakawhānui;*
- *[mōhiotanga] ki te tūāhua mahi.*

E hono ana ki te Papa Whakaako mō Ngā Toi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<b>Paetae</b> Te whakamātau hangarau matihiko hei whakaniko i tētahi mahi toi i roto i ngā toi ataata.	Hei tohu i te paetae: <ul style="list-style-type: none"> <li>Ka whakaatu i te mārama ki ngā tikanga o te hangarau matihiko i roto i te horopaki Māori.</li> </ul>
<b>Kaiaka</b> He kaiaka te whakamātau hangarau matihiko hei whakaniko i tētahi mahi toi i roto i ngā toi ataata.	Hei tohu i te kaiaka: <ul style="list-style-type: none"> <li>Ka whakamāori i ngā tikanga o te hangarau matihiko kia hāngai tōtika ki tētahi kaupapa.</li> </ul>
<b>Kairangi</b> He kairangi te whakamātau hangarau matihiko hei whakaniko i tētahi mahi toi i roto i ngā toi ataata.	Hei tohu i te kairangi: <ul style="list-style-type: none"> <li>Ka whakawhānui i ngā tikanga o te hangarau matihiko kia whaitake i roto i tētahi kaupapa.</li> </ul>

**Kōrero Āpiti**

E whai ake nei ngā whakamārama o ngā tino kupu, kīanga rānei:

hei whakaniko i tētahi mahi toi	Hei whakapai ake i te āhua o tētahi momo mahi toi kei ngā toi ataata, kia kore ai te whakamātau hangarau matihiko e noho noa hei kaupapa wehe motuhake.
ngā tikanga o te hangarau matihiko	Te pūtake me te whakamahinga tika o te hangarau matihiko.
ka whakamāori i ngā tikanga	Ka āta whakaatu, ki ūna ake whakaaro, i te hāngai o ngā tikanga ki tētahi kaupapa, horopaki rānei.
ka whakawhānui i ngā tikanga	Ka mārama pū ki ngā tikanga, ā, ka whakahāngai ki tētahi kaupapa, otirā, ki kaupapa kē atu anō hoki.
kia whaitake	Kia puta tonu he hua i te mahi, kia kaua e noho hei mahi tūhura noa iho.

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromataawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromataawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233